

# DÎWANA PEYVÊ

- Yildiz Çakar/ Amed
- XEMGÎN Ê REMO/ Qamişlo
- Roj Mizûrî
- Orkeş Brahîm
- Siyamend Brahîm
- Şilan Hemo

## Derî



Yildiz Çakar/ Amed

Di navbera derî û dilê xwe de mam

Li aliyek tu

Li aliyek derî

Ne destê min ji derî dibû û ne jî ji  
destên te

Çend payizên sar min germ kir, ji bo  
her tiliyên te

Ne derî dev ji min berdida û ne ez ji

te

Di nav dubendiya êşê de mam

Bê demên deman bû qeder di  
ferhenga dilê min de

Bidawî nebû roj û şevên bê te

Niha ji ber mayînen êşên xwe didim  
kûştin,

Ta ku destê min bigihîje te.

---

Bêsînor bû sînoren reşika çavên te,  
Li wir parçeyek ji te digirim, da ku  
dilê xwe pîne bikim!  
Li ber derî bûm û ez evînbûm  
Li ber te sekinandîbûm. De bibêje lo!  
Ji çî ditirsî? Ji min an ji agirê dilê  
min?  
Her ku dizivîrîm û li te dinêhêrtim  
Şikestinek ava dibû di destê min de,  
Destê min li derî asê bûbû, tu li dilê  
min  
Evîn şeveke şevatok bû di dilê min  
de  
Ez lavayek bi gaziç bûm li ber  
deriyê te,  
Ne derî û ne ez me li hev nekir!  
Pirayek li ser dojhê bû navbera min  
û derî  
Tirseke zarokane/ Reveke bêwate  
bû,  
Her tîlkên te janek û golkek agir bû  
Gelo kîjan aliyê derî bihûştta dil bû?  
-I-

Hatina min a dinyayê ez tenê bûm  
û tu jî  
Çûyina min a dinyayê jî tenê ye û ya  
te jî  
-II-  
Gelo di turika te de niha çî hene,  
ji bilî kulmeke ax û kevirekî sipî?  
-III-  
Seyrê herî xweş bû navê te,  
Bi bablîsokek belawela bû porên reş  
li ser te  
Wek meyê bû her rojên temenê te /  
min her rojên te vedixwar  
Bi evdalê zeynikê, Mem û Siyabend  
re.  
Dizanim tu ji wek min û derî sûcdar  
e ,  
Bêdengiya firtonê bû hembêza te, ez  
ji darake xeşim  
Niha pêlên xwe, êşên xwe diweşinim  
li ber deriyê te  
Deriyên ku ji bo careke din li min  
vebe.

**Amed-2007**